

-REYKJAVIK LAWYERS-

Rannsóknarnefnd Alþingis um Íbúðalánasjóð
Sigurður Hallur Stefánsson form.
Austurströnd 5
170 Seltjarnarnes

Reykjavík 8. júlí 2013

Efni: **Krafa um afturköllun ummæla og opinbera afsökunarbeiðni.**

Til undirritaðs hefur leitað Hallur Magnússon, kt. 080462-4849 vegna ummæla í rannsóknarskýrslu Alþingis um Íbúðalánasjóð sem að honum lúta og eru bæði ósönn og meiðandi. Er þess krafist að rannsóknarnefndin leiðrétti ummælin og biðji um bj. minn opinberlega afsökunar. Ummælin eru eftirfarandi:

„Einnig vekur athygli að Hallur Magnússon, sem á þeim tíma hafði lengi verið starfandi í Framsóknarflokknum, var ráðinn til stofnunarinnar, fyrst sem yfirmaður gæða- og markaðsmála en síðar sem yfirmaður þróunar- og almannatengslasviðs og að lokum sem sviðsstjóri þróunarsviðs. Ekki fæst séð að umrædd staða hafi verið auglýst er Hallur var fyrst ráðinn árið 1999.”

Skýrsla rannsóknarnefndar Alþingis um Íbúðalánasjóð. 1. bindi kafla 6.5.2.2 Ráðningar hjá Íbúðalánasjóði.

Staða yfirmanns þróunar og almannatengslasviðs Íbúðalánasjóðs var auglýst á hefðbundinn hátt og hefði rannsóknarnefndinni verið í lófa lagið að kanna það áður. Sbr. meðf. auglýsingu.

Ráðningarferlið var í höndum Gallup sem mat Hallur hafastan umsækjanda enda var Hallur með dýrmæta stjórnunarreynslu sem embættismaður, mikla fjölmiðlareynslu og námsferil sem féll vel að starfinu

Vegna þessara meiðandi ummæla þykir undirrituðum rétt að upplýsa rannsóknarnefndina um náms- og starfsferil umbjóðanda míns:

Nám:

Háskóli Íslands BA í sagnfræði og þjóðfræði
Háskólinn í Bifröst, rekstrarfræði (hæsta einkunn)
Háskóli Ísland og Verslunarháskólinn í Kaupmannahöfn (CBS). Meistaránám í stjórnun og stefnumótun.

Hallur lauk síðari hluta MSc náms í stjórnun og stefnumótun við Handelshøgskolen í Kaupmannahöfn í júní 1999.

Störf:

Blaðamaður á Tímanum, þáttagerðarmaður á Bylgjunni og RÁS 1.

Sérverkefni í áætlana- og hagdeild Ríkisspítala. Guðmundur Árni Stefánsson var heilbrigðisráðherra þegar hann var ráðinn þangað í sérverkefni.

Hallur starfaði sem framkvæmdastjóri og sviðsstjóri hjá reynslusveitarfélaginu Hornafjörður árin 1995-1998 – ráðinn af meirihluta Sjálfstæðisflokks og Kríunnar. Framsóknarflokkurinn í minnihluta.

Hallur hafði yfir að ráða stjórnunarreynslu sem embættismaður í reynslusveitarfélagi þar sem hann vann að uppbyggingu samþættingar heilbrigðis, félags og skólamála á nýjan hátt. Sú vinna hafði vakið mikla athygli meðal sveitarstjórnarmanna.

Eitt af verkefnum sem umbj. minn vann að var samningagerð við heilbrigðisráðuneytið um yfirtöku á þeim hluta heilbrigðismálum sem lá hjá ríkinu með rammasamningi í stað daggjalda.

Hallur hafði umsjón með því verkefni á Höfn að taka við grunnskólanum frá ríkinu og byggja upp þjónustu sem áður hafði farið fram á skólaskrifstofunni á Reyðarfirði. Þá stýrði hann af hálfu sveitarfélagsins yfirtöku á málefnum fatlaðra í Austur-Skaftafellssýslu með þjónustusamningi við félagsmálaráðuneytið.

Þessir þjónustubættir voru síðan samþættir í einstaklingsmiðaða þjónustu við einstaklinga og fjölskyldur í Austur-Skaftafellssýslu og Djúpavogi. Móttaka flóttamanna var einnig eitt verkefna sem hann bar ábyrgð á af hálfu sveitarfélagsins.

Undir Hall í starfi hans á Hornafirði heyrðu tugir starfsamanna. Hann hafði ekki tekið þátt í stjórnámálum frá því að hann hóf störf sem embættismaður á Hornafirði enda fer slíkt ekki saman. Trúnaður hans við bæjarstjóra Sjálfstæðisflokksins og bæjarráðsmenn Sjálfstæðisflokks og Kríunnar var aldrei véfengdur, enda vinnan unnin faglega enn ekki pólitískt.

Í Danmörku rakst umbjóðandi minn á auglýsingu í sunnudagsblaði Morgunblaðsins þar sem auglýst var staða yfirmanns gæða- og markaðsmála hjá Íbúðalán sjóði sem var að losna. Hallur aflaði sér upplýsinga um starfið í samræmi við leiðbeiningar í auglýsingunni og sótti síðan um.

Starfsmenn Gallup unnu úr umsóknum. Hallur var talin hæfastur. Tveir aðrir voru einnig metnir hæfir úr stórum hóp umsækjenda. Framkvæmdastjóri Íbúðalán sjóðs ákvað að fara að tillögu Gallup og ráða Hall.

Í kjölfar þessa flutti Hallur heim heim til Íslands með fjölskylduna og hóf störf sem yfirmaður í Íbúðalán sjóði í lok júlí 1999. Hann gekk inn í þá 11 manna stjórnendahóp í Íbúðalán sjóði. Fyrir utan Guðmund Bjarnason var enginn stjórnendanna Framsóknarmaður, en sumir þeirra höfðu gegnt og gegndu trúnaðarstöðum innan Sjálfstæðisflokks og Samfylkingar og þann tíma sem Hallur starfaði í Íbúðalán sjóði gegndu engir aðrir Framsóknarmenn stjórnunarstöðu innan sjóðsins. Hann tók ekki virkan þátt í flokkstarfi Framsóknarflokksins þann tíma sem hann starfaði hjá Íbúðalán sjóði.

Hallur var í tvígang „lánaður“ frá Íbúðalán sjóði. Fyrst til félagsmálaráðuneytisins sumarið 2003 til ársloka 2003 til að vinna að undirbúningi mögulegra 90% lána ÍLS enda takmörkuð

reynsla af íbúðalánamálum innan félagsmálaráðuneytisins á þeim tíma.

Hallur tók aftur við fyrra starfi sínu innan ÍLS í janúar 2004, reyndar undir nýju starfsheiti sem til kom vegna skipulagsbreytinga innan sjóðsins, en vegna fyrirhugaðra breytinga á skuldabréfaútgáfu sjóðsins var talið nauðsynlegt að setja á fót nýtt áhættu- og fjárstýringarsvið. Verkefni hans voru þau sömu og áður en hann fór til félagsmálaráðuneytisins, þ.m.t. undirbúningur skuldabréfaskipta og mögulegra 90% lána.

Árið 2006 var hann síðan sendur til Husbanken í Noregi að ósk forstjóra Husbanken. Hann heyrði þar beint undir forstjóra og vann að sérverkefnum frá janúar 2006 til júlí 2006. Kom hann aftur til starfa í ÍLS í ágúst 2006 og tók við fyrri stöðu sinni sem sviðsstjóri.

Hallur starfaði í sambærilegri stöðu innan Íbúðalánasjóðs allt frá faglegri ráðningu hans stil sjóðsins í júlí 1999 til ársloka 2007 þegar hann ákvað að hætta störfum og hasla sér völl í ráðgjöf.

Umbjóðandi minn fundaði með virðulegri nefndinni og fór m.a. yfir ofangreint ráðningarferli.

Nefndin hefur því miður, gegn betri vitund, kosið að halda fram algerum rangfærslum sem eru til þess fallin að varpa rýrð á starfsferil og æru umbjóðanda míns, enda algerlega fráleitt að hann hafi verið ráðinn til starfa hjá Íbúðalánasjóði án auglýsingar. Hefði hæglega mátt girða fyrir þessar rangfærslur ef umbj. mínum hefði verið gefinn kostur á andmælum.

Þess er hér með farið á leit við virðulega rannsóknarnefndina að hún leiðrétti þessa rangfærslu hið snarasta með tilkynningu til fjölmiðla auk þess að biðja umbj. afsökunar á þessu meiðandi rangfærslum, svo ekki þurfir að koma til frekari eftirmála.

Virðingarfyllst.



Sveinn Andri Sveinsson hrl



Ibúðalánasjóður var stofnaður 1. janúar 1999, og tók við verkefnum og skyldum Húsnæðisstofnunar ríkisins. Hlutfærki sjóðsins er að stuðla að öryggi og jafnrétti í húsnæðismálum með lántveitingum sem anna möguleika fólks til að eignast eða leigja húsnæði á viðráðanlegum kjörum. Í þjó íbúðalánasjóði starfa 54 starfsmenn, 48 í Reykjavík og 6 á Sandárhroddi.

YFIRMAÐUR GÆÐA- OG MARKAÐSMÁLA

Staða yfirmanns gæða- og markaðsmála hjá Íbúðalánasjóði er laus til umsóknar. Yfirmaður gæða- og markaðssviðs annast daglega stjórnun, áætlanagerð og skipulagningu á verkefnum sviðsins. Gæða- og markaðssvið heyrir undir aðstoðarframkvæmdastjóra.

Helstu verkefni sviðsins eru:

- Umsjón með innri gæðautvikum.
- Vinna að endurskipulagningu vinnuferla til að bæta þjónustu.
- Umsjón með uppbyggingu gæðahandbókar og starfsmannahandbókar.
- Fræðsla og upplýsingagjöf til banka, fasteignasala og almennings.
- Upplýsingagjöf til fjölmiða.
- Útgáfa á upplýsinga- og kynningartum og sá um greiðskrif.
- Samskipti við auglýsingastofu.

Auglýsingin Þessi auglýsing birtist í Morgunblaðinu árið 1999

